

Siunnersummut nassuaatit**Nassuaatit nalinginnaasut****1. Aallaqqasiut**

Ulloq 1. juli 2002 aallarnerfigalugu ilaqtariinnut ataatsinut illunik, illunut uiguleriittut aamma inissiatut quleriaatut iluseqartunik nutaanik inissialiornissamut aningaasalersueqataanissamut pisortanit taarsigassarsitsisoqartalerpoq.

Nutaanik inissialiornissamut aningaasalersueqataanissamut pisortat taarsigassarsiarititaat, innuttaasut nammineq inigisassaminnik pisinissamut aningaasalersuisinnaanissaannut, taamaalillutillu imminnut inissiamik pilersorsinnaanissaannut, tunngavissiinissami ilungersuuteqarnermi ilaatinneqarput.

Sanatitsisut namminersortut aningaasaliisartullu, nutaanik inissialiornissamut taarsigassarsiaritinneqartunik pisortanit taarsigassarsillutik, inissiat inissiatut attartortittakkatut atornissaat siunertaralugu, inissianik amerlanerusunik sanaartortarnerat ukiuni kingulliunerusuni takussaaleriartuinnarpoq.

Naliliisoqarpoq innuttaasut nammineq inissaminnik sanasinnaanissaannut imaluunniit pisisinnaanissaannut, taamaalillutillu imminnut inissiamik pilersorsinnaanissaannut tunngavissiinissamik ilungersuuteqarnermut tamanna naapertuukkunnaartoq.

Tamanna tunngavigalugu illuliortiternernut aningaasalersuineq pillugu Inatsisartut inatsisaata allanngortinnejarnissaanut siunnersuut saqqummiunneqarpoq, taassuma atuunnerani siunissami attartortitsinissaq siunertaralugu, nutaanik inissialiornissamut taarsigassarsiaritinneqartartunik pisortanit taarsigassarsilluni arlalinnik inissialiortoqarsinnaajunnaassaaq imaluunniit inissiamik arlalinnik pisisoqarsinnaajunnaassalluni.

2. Siunnersummi immikkoortut pingaarerit**a) Inatsisit atuuttut**

1. juli 2002 aallarnerfigalugu inunnut ataasiakkaanut taamatullu suliffeqarfinnun ingerlatseqatigiiffinnullu nutaanik nammineq pigisanik inissialiornissamut sanaartornermut taarsigassarsitsisoqarsinnaalerpoq. Inissiat nammineq pigisat inissiarsuartut, illut affarleriit, illut uiguleriittut imaluunniit ilaqtariinnut ataatsimut affarleriittulli sananeqarsinnaapput. Inissiat nammineq inigisatut, attartortitassatut imaluunniit sulisunut inissiatut atorneqarsinnaapput.

Pisortanit taarsigassarsiarititat piginnittut nikinneranni akiligassanngorneq ajorput. 1. januar 2018 aallarnerfigalugu taarsigassarsitsinissamut neriorsuummi aammalu taarsigassarsitsinissamut neriorsuutit taakkua tunngavigalugit taarsigassarsiarititani ullup 1. januar 2018 kingorna nalunaarutigineqartuni piginnittut nikinneranni akilersuut akilerneqartartussanngorpoq.

b) Siunnersuut

Siunnersuutigineqarpoq nutaanik inissialiornissamut pisortat taarsigassarsiarititaat siunissami taamaallaat inunnut taarsigassarsiaritinnejartalissasut. Siunnersuutigineqarpoq inuit nutaanik inissialiornissamut pisortanit taarsigassarsillutik ataatsimik inissiaateqareersut, nutaanik inissialiornissamut pisortanit taarsigassarsiteqqinnejarsinnaassanngitsut imaluunniit nutaanik inissialiornissamut pisortanit taarsigassarsilluni inissialiaareersumik tigusisinnaassanngitsut.

Siunnersuutigineqarpoq sanatitsisut namminersortut nutaanik inissialiornissamut taarsigassarsitinneqarnissamut neriorsummik suli pisinnaassasut. Inissialiat nutaat taakkua atuilernissamut akuersissutip tunniunnejareernerata kingorna kingusinnerpaamik qaammatit arfinillit qaangiunneranni inunnut tunineqarsimassasut, atugassarititaasut tunngavigalugit taarsigassarsitsinissamut neriorsuut tunniunnejassaaq. Tamatuma kingorna inissianut tunineqarsimanngitsunut taarsigassarsitsinissamut neriorsuut atorunnaassaaq.

Siunnersuutigineqarpoq taarsigassarsiat pioreersut piginnittut nikinnissaasa tungaanut atugassarititaasut allanngortinnagit ingerlatiinnarnejassasut. Sanatitsisut namminersortut imaluunniit aningaasaliisartut nutaanik inissialiornissamut pisortanit taarsigassarsillutik, arlalinnik nammieq pigisanik inissiaateqartut, allannguiteqanngitsumik inissiat inissiatut attartortittakkatut atorsinnaaginnassavaat. Piginnittut nikinneranni pisortat taarsigassarsiarititaat inunnit nutaanik inissialiornissamut pisortanit taarsigassarsiaqariinngitsunit, taamaallaat tiguneqarsinnaapput.

Siunnersuutigineqarpoq nutaanik inissialiornissamut taarsigassarsitsinissamut neriorsuut ulloq 1. januar 2021 sioqqullugu tunniunnejarsimasoq, tassani pisussaaffiliisumik sanaartornermut akigititassanut isumaqtigisiuteqartoqarsimalluni, atugassarititaasut allanngortinnagit ingerlatiinnarnejassasut. Sanatitsisup inissiaq ataaseq arlallilluunniit, nutaanik inissialiornissamut pisortanit taarsigassarsivigineqarsimasut, inunnut aamma pisinnaatitaallutillu pisussaatitaasunut tunniussinnaavai. Tamatuma kingorna piginnittut nikinneranni pisortanit taarsigassarsiarititat taamaallaat inunnut nutaamik inissialiornissamut pisortanit taarsigassarsiaqariinngitsunut, tunniunnejarsinnaapput.

Siunnersuut inatsimmut atuuttumut sanilliullugu

<i>Oqaasertai atuuttut</i>	<i>Siunnersuut</i>
	<p style="text-align: center;">§ 1</p> <p>Illuliortiternernut aningaasalersuineq pillugu Inatsisartut inatsisaanni nr. 39, 23. november 2017-imeersumi, Inatsisartut inatsisaanni nr. 36, 28. november 2019-imeersumi allanngortinneqartumi, makkua allanngortinneqarput:</p>
<p>§ 9. §§ 5-8 naapertorlugu taarsigassarsitsineq taamaallaat pisinnaavoq sanaartornermi aningaasartuutit tamarmiusut sinneri taarsigassarsisup nammineq aningaalersorpagit.</p>	<p>1. § 9 imatut oqaasertalerneqarpoq: ” § 9. §§ 5-8 malillugit taarsigassarsiarititat inunnut ataasiakkaanut aammalu sanaartornermut aningaasartuutit tamarmiusut sinnerinut aningaasalersuinissap uppernarsarneqarnerani, taamaallaat taarsigassarsiaritinneqarsinnaapput.”</p>
	<p>2. § 9 kingorna ilanngunneqassaaq: ” § 9a. Inuit ataasiakkaat kisimik inissiamut ataatsimut taarsigassarsitinneqarsinnaapput. <i>Imm.</i> 2. Inunnut ataasiakkaanut inissialiortiternernut aningaasalersuineq pillugu Inatsisartut inatsisaat imaluunniit inissialiortiternernut aningaasalersuineq pillugu siusinnerusukkut inatsisit naapertorlugit nutaanik inissialiornissamut taarsigassarsitinneqareersimasunut, taarsigassarsitsisoqarsinnaanngilaq.”</p>
	<p>“ § 9b. Sanatitsisoq namminersortoq inunnut ataasiakkaanut tuniniaanissaq siunertalarugu nutaanik inissialiorsinnaavoq. Kommunalbestyrelsi § 9 malillugu nutaanik inissialiornissamut taarsigassarsitsisinssamut neriorsuuteqarsinnaavoq. Nutaanik inissialiornissamut taarsigassarsitsisarneq pillugu aalajangersakkat taamaaqataanik atuutissapput. <i>Imm.</i> 2. Sanatitsisup namminersortup</p>

	atuilernissamut akuersisummit tunniussereernerup kingorna qaammatinit 6-init kingusinnerusumi nutaanik inissialianik tunisinerani, inissianut tunineqarsimanngitsunut taarsigassarsitsinissamut neriorsuut ilimasaarinertaqanngitsumik atorunnaassaaq.”
§ 11. § 10, imm. 1-imi illunut pineqartunut atatillugu piginnittut nikinneri tamaasa pillugit kommunalbestyrelsi ilisimatinneqartassaaq. Piginnittut nikinnerini §§ 5-8 naapertorlugit taarsigassarsiat akiligassanngortinneqassanngillat.	3. § 11, imm. 1, imatut oqaasertalerneqarpoq: ” § 10, imm. 1-imi illunut pineqartunut atatillugu piginnittut nikinneri tamaasa pillugit kommunalbestyrelsi ilisimatinneqartassaaq. Inissialiorternernut aningaasalersuineq pillugu Inatsisartut inatsisaat imaluunniit inissialiorternernut aningaasalersuineq pillugu siusinnerusukkut inatsisit naapertorlugit nutaanik inissialiornissamut taarsigassarsiaqariinngitsunut piginnittut nikinnerat eqqaassanngikkaanni, §§ 5-8 malillugit taarsigassarsiat piginnittut nikinneranni akiligassanngortinneqassapput. Ingerlatseqatigiiffinni, peqatigiiffinni assigisaannilu pigisanik aalaakkaasunik piginnittuunissamik, attartortitsinissamik imaluunniit allatut ingerlatsinissamik pingaarnertut siunertaqartuni pigisanik, piginneqataassutinik, aktiaatinik assigisaannillu tunniussineq aammattaaq piginnittut nikinnerattut isigineqarpoq.”
5) Qinnuteqartup cpr. normua, najugaqarnermut allagartaq imaluunniit alla kinaassutsimik erseqqissumik takutitsisoq. 6) Qinnuteqartup pisortanut akiitsoqarnera pillugu Akiliisitsiniarnermut oqartussaniit nalunaarut.	4. § 27, imm. 2-imi, nr. 4 kingorna normumi nutaami ikkunneqarpoq: ”5) Qinnuteqartoq Inatsisartut inatsisaanni matumani imaluunniit inatsisini allani taarsigassarsiaqariinngitsoq upternarsaat, takuuk § 1, imm. 3.” Nr. 5 aamma 6 tamatuma kingorna nr. 6-nngussapput aamma 7-nngussapput.

	§ 2
	<p>Inatsisartut inatsisaat ulloq 1. januar 2021 atuutilerpoq.</p> <p><i>Imm. 2. Inissialortiternernut aningaasalersuineq pillugu Inatsisartut inatsisaat imaluunniit inissialortiternernut aningaasalersuineq pillugu siusinnerusukkut inatsisit naapertorlugu nutaanik inissialiornissamut taarsigassarsiat pioreersut, piginnittut nikinnissaasa tungaanut allanguuteqartinnagit ingerlatiinnarneqarput.</i></p> <p><i>Imm. 3. Ulloq 1. januar 2021 sioqqullugu inissialortiternernut aningaasalersuineq pillugu Inatsisartut inatsisaat imaluunniit inissialortiternernut aningaasalersuineq pillugu siusinnerusukkut inatsisit naapertorlugu nutaanik inissialiornissamut taarsigassarsitsinissamik neriorsuutit, pisussaaffiliisumik sanaartornissamut akigititassanut isumaqatigiissuteqartoqarsimanngippat, Inatsisartut inatsisaanni pineqartunut ilaatinneqarput.</i></p> <p><i>Imm. 4. Ulloq 1. januar 2021 sioqqullugu nutaanik inissialiornissamut taarsigassarsitsinissamik neriorsuutit aammalu pisussaaffiliisumik sanaartornissamut akigititassanut isumaqatigiissuteqartoqareersimatillugu, atugassarititaasut allangortinnagit ingerlatiinnarneqarput. Taarsigassarsisup isumaqatigiissuteqarfisaaanit taassuma isumaqatigiissuteqarfisaaanit piginnittut nikinneranni § 1, nr. 2 aamma 3 atutissapput.</i></p>

3. Pisortanut aningaasaqarnikkut allaffissornikkullu sunniutaasussat

Siunnersuut sanatitsisut namminersortut siunissami attartortitsinermut atugassatut inissiarsualiorissaannut aammalu inissiarsuarnik ilusilersuinissaannut, sunniuteqarsinnaavoq. Siunnersuutip inissiarsuarnik amerlasoorpassuarnik inissiartaqartunik nutaanik sanaartorneq

unikaallatsissagaa ilimanarpoq. Tamanna nutaanik inissialiornissamut kommunit taarsigassarsitsinissamut neriorsuutaannut sunniuteqarsinnaavoq, taamatullu inissianut namminersortunit pigineqartunut attartortitsinermut akigititanut sunniuteqarsinnaalluni.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut annertuunik allaffissornikkut sunniuteqassangatinneqanngilaq.

4.1 Inissiat pioreersut pisortanit taarsigassarsiffigineqarsimasut nalinginnaasumik tuniniarneqarsinnaassapput. Pisisussat, nalinginnaasumik aningaaserivik attavigisartagartik suleqatigalugu, pisinissaq aningaasalersorneqarsinnaanersoq nalilersussavaat. Nutaanik inissialiornissamut pisortanit taarsigassarsiat, nalinga appasinnerutillugu aammalu aningaaserivik imaluunniit kreditforening aqqutigalugu aningaasalersueqqinnikkut, sioqqutsisumik akilerneqarnissaat periarfissaqarpoq.

Naliliisoqarpoq nutaanik inissialiornissamut pisortanit taarsigassarsilluni inissialianik ataasiakkaanik tuniniaanissamut neqeroorutinik ujartuineq, siunnersuummit matumannga qanittumi imaluunniit ungasinnerusumi sunnerneqarnavianngitsoq.

Inissiat amerlanerusut sivikinnerusup iluani tuniniarneqalissappata, siunnersuut ujartuinermut, taamaalillunilu qanittumi akianut, annikitsumik sunniuteqarsinnaasoq ilimanarpoq.

Ujartuinermut siunnersuutip sunniuteqarnissaanik nalilersuinermi oqaatigineqarpoq, amerlasoorsuarnik inissiartaqtunik inissiarsualiorneq, taamaallaat Nuummi takussaasoq. Nuummi nutaanik inissialiornissamut pisortat aningaasalersueqataanerat atorunnaarsikkiartuaarneqarpoq aammalu 1. januar 2027 aallarnerfigalugu atuutilersumik atorunnaartussaalluni.

Ulloq 1. januar 2027 atuutilersumik nutaanik inissialiornermut aningaasalersuineq niuerfimmi atugassarititaasut nalinginnaasut tunngavigalugit pisalertussaassaaq. Naliliisoqarpoq Nuummi pisortat aningaasalersueqataasernerannik atorunnaarsitsiartuaarneq, Nuummi nutaanik inissialiornissamut pisortanit taarsigassarsilluni inissialiaareersunik ujartuinerup attanneqaannarnissaanut iluaquataassasoq.

4.2 Sanatitsisut namminersortut nutaanik inissialiornissamut taarsigassarsinissamut neriorsuummik suli pisinnaassapput, tassani ilaallutik inissiarsuit arlalinnik nammineq pigisanik inissiartaqtut. Kingusinnerpaamik atuilernissamut akuersisummik tuniussinerup kingorna qaammatit arfinillit qaangiunneranni inissiat inunnut tunineqassasut, atugassarititaasut tunngavigalugit taarsigassarinissamut neriorsuut tunniunneqassaaq.

Tuniniaaneq nutaanik inissialiornissamut pisortanit taarsigassarsilluni aningaasalersuinermik ilaqartinneqassappat, sanatitsisut namminersortut inissialianik nutaanik tuniniaanerat, atuilernissamut akuersisummik tunniussereernerup kingorna kingusinnerpaamik qaammatit arfinillit qaangiunneranni tamanna pissaaq. Tamatuma kingorna inissianut tunineqarsimanngitsunut taarsigassarsitsinissamut neriorsuut atorunnaassaaq.

Tamatuma amerlasoorpassuarnik inissiartaqtunik nutaanik inissiarsualiorneq annikillisssagaa ilimanarpoq. Inunnut tuniniaanissaq siunertalarugu amerlasoorpassuarnik inissialiortarneq aarlerinaateqarsinnaavoq. Inissiat amerlanerusut piffissap sivikinnerusup iluani tuniniarneqalissappata, tamanna ujartuinermut taamaalillunilu akigititanut sunniuteqarsinnaavoq.

Sanatitsisut namminersortut ikinnerusunik inissiartaqtunik inissiarsualiornerusalernerannik aammalu kingusinnerusukkut tuniniaanerup qanittumi ujartuinermut sunniinnginnerusalerneranik, tamanna malitseqassasoq ilimanarpoq.

4.3 Nuummi amerlanerusunik inissiartaqtunik inissiarsuarnik aralinnik sanasoqareerpoq aammalu inissiat attartortitsinissaq siunertalarugu sananeqartut imaluunniit pisiarineqartut takuneqartarluni. Siunnersuummi matumani siunissami sanatitsisut namminersortut imaluunniit aningaasaliisartut nutaanik inissialiornissamut pisortanit taarsigassarsillutik, attartortitsinissaq siunertalarugu, nutaanik inissialiortarnissaat imaluunniit pisisarnissaat mattunneqassaaq.

Matuma kinguliani takussutissiat marluk allanneqarput, ukiumut 2018-imut aamma 2019-imut illuliorternermut aningaasalersuinermut inatsit malillugu aamma piginneqatigiilluni inissianut inatsit malillugu inissialiornissamut taarsigassarsitsinissamut neriorsuutinik takutitsiviusut. Takussutissiani 2018-imut aamma 2019-imut taarsigassarsitsinissamut neriorsuutit qanoq isikkoqarsimanermut pisunut takussutissat takutinneqarput, kisianni siunissami qanoq isikkoqarumaarnersoq naatsorsuutigineqarnera pineqarani.

Illuliorternernut aningaasalersuinermut inatsit malillugu inissialiornissamut kommunini aningaasaliissutaasimasunut takussutissiaq:

	Avannaata Kommunia	Kommune Qeqertalik	Qeqqata Kommunia	Kommuneqarfik Sermersooq	Kommune Kujalleq
2018	Inissiat marluk	Inissiat 8-it	Inissiat 6-it	Inissiat 42-it	Paasissutissat amigaataapput
	587.500 kr.	1.878.702 kr.*	1.516.500 kr.	7.242.450 kr.	
2019	Inissiat 16-it	Inissiat 27-it	Inissiat 5-it	Inissiat 179-it	Paasissutissat amigaataapput

	6.600.000 kr.	7.185.405 kr.*	2.042.592 kr.	42.439.438 kr.	

*Iluarsaassassinissamut taarsigassarsitsinissamuinnaq neriorsuuteqartoqarsimavoq.

Piginneqatigiilluni inissianut inatsit malillugu piginneqatigiilluni inissialiornissamut kommunini aningaaasaliinernut takussutissiaq:

	Avannaata Kommunia	Kommune Qeqertalik	Qeqqata Kommunia	Kommuneqarfik Sermersooq	Kommune Kujalleq
2018	Inissiat 0	Inissiat 0	Inissiat 15-it	Inissiat 0	Paasissutissat amigaataapput
	0 kr.	0 kr.*	7.878.750 kr.	0 kr.	
2019	Inissiat 0	Inissiat 3-it	Inissiat 16-it	Inissiat 0	Paasissutissat amigaataapput
	0 kr.	3.300.000 kr.*	8.404.000 kr.	0 kr.	

5. Avatangiisirut, pinngortitamut aamma inuit peqqissusaannut sunniutaasussat

Siunnersuut avatangiisirut imaluunniit pinngortitamut sunniuteqassangatinneqanngilaq.

6. InnutaaSunut sunniutaasussat

Inuit kisimik nutaanik inissialiornissamut taarsigassarsitsinnaalermerannik imaluunniit inissianik nutaanik inissialiornissamut pisortanit taarsigassarsitsivigineqarsimasunik tigusisinnaalermerannik, siunnersuut malitseqassaaq.

Inuit aamma pisinnaatitaallutillu pisussaatitaasut, nutaanik inissialiornissamut pisortanit taarsigassarsitinneqarlutik inissianik arlalinnik aammalu assersuutigalugu attartortittakkatut atorneqartunik pigisaqartut, nutaanik inissialiornissamut pisortanit taarsigassarsitinneqarlutik inissianik allanik pisisinnaassanngillat. Taamaattoqarsimappat pisortanit taarsigassarsiarititat inissiap tunniunneqarneranut ilaatillugu akilerneqartussanngussapput.

7. Sunniutaasussat annertuut allat

Siunnersuut annertuunik allanik sunniuteqassangatinneqanngilaq.

Nutaanik inissialiornissamut taarsigassarsiat aamma taarsigassarsitinneqarnissamut neriorsuutit pioreersut, siunnersuutip atuutilernissaq sioqqullugu tunniunneqarsimasut,

piginnittut nikinneranni taarsigassarsiat akiligassanngussanngitsut atugassarititaasut tunngavigalugit tunniunneqarsimapput. Siunnersummi matumani taarsigassarsinissamut atugassarititaasut allanngortinneqarput, taamaalluni inunnut inissialiortiternernut aningaasalersuineq pillugu Inatsisartut inatsisaat imaluunniit inissialiortiternernut aningaasalersuineq pillugu siusinnerusukkut inatsisit naapertorlugu nutaanik inissialiornissamut taarsigassarsiaqariinngitsunut piginnittut nikinnerat eqqaassanngikkaanni, taarsigassarsiat piginnittut nikinneranni akiligassanngortussanngorlugit.

Siunnersummi nutaanik inissialiornissamut pisortanit taarsigassarsillutik inissianik piginnittooreersut inissiamik tunisinissaat mattunneqanngilaq, taamaallilnilu pisisussap pisortat taarsigassarsiarititaat tigusinnaavai. Inuit kisimik aammalu taamaallaat pisisoq pisortanit taarsigassarsitsiviusumik inissiamik piginnittooreersimanngippat, piginnittut nikinneranni pisortanit taarsigassarsiarititat tigusinnaagaat siunnersuutip malitsigissavaa.

Allannguutissatut siunnersuutigineqartoq taarsiivigineqarsinnaatitaaffilimmik taarsiissutitalimmik pigisanik piginnikkunnaarsitsisarnermut inatsisitigut akuliunnertut isigineqarsinnaanersoq, imaluunniit allannguutissatut siunnersuut inatsisiliortup taarsiinertaqanngitsumik maleruagassiinissamut nalinginnaasumik periarfissaqarneranut ilaanersoq, isumaliutersuutigineqarpoq.

Akuliunneq taarsiissutitalimmik pigisanik piginnikkunnaarsitsinertut iluseqarnersoq naliliinermut ataatsimoortumik naliliineq tunngavigineqartussaasoq, inatsisilerinikkut atuagassiani isumaqatigiiffigineqarpoq. Tassani pingartinneqarpoq akuliunneq pisinnaatitaaffinnik nuussinertaqarnersoq imaluunniit atuisinnaatitaanermik annikillisitsiinnarnersoq, akuliunneq nalinginnaasuunersoq imaluunniit ataasiakkaanut tunnganersoq, akuliunnermut tunngavilersuutaasoq taarsiissutitalimmik pigisanik piginnikkunnaarsitsinissamut tapersiinersoq imaluunniit akerliunersoq, kiisalu akuliunnerup annertussusaa, ilangullugu taassuma piginnittut piginnaatitaanerannut annertunerusumik annikinnerusumilluunniit sunniateqarnera.

Siunnersuut manna maannakkut taarsigassarsisunit allanut pisinnaatitaaffinnik nuussinermik malitseqartussaanngilaq. Siunnersummi ataatsimut isigalugu pineqarput pisortat taarsigassarsiarititaat aamma taarsigassarsitsinissamik neriorsuutit pioreersut, siunnersuutip atuutilernissaa sioqqullugu tunniunneqareersimasut imaluunniit nalunaarutigineqareersimasut aammalu siunnersuutip atuutilernissaa sioqqullugu nutaanik inissialiornissamut taarsigassarsitsinissamik neriorsuutinut, pisussaaffiliisumik sanaartornermut akigititassanut isumaqatigiissuteqarfingineqareersunut, ikaarsaarnermi aaqqissuussinertaqartoq.

Naliliisoqarpoq siunnersuut killilimmik annertussuseqartoq. Kikkut siunissami inissiamik nutaanik inissialiornissamut pisortanit taarsigassarsitsivigineqarsimasumik piginnittut nikinneranni pisortat taarsigassarsiarititaannik tigusisinnaanersut killiliinermik taamaallaat siunnersuut malitseqartussaavoq. Naliliisoqarpoq siunnersuutip inissianik nutaanik

inissialiornissamut pisortanit taarsigassarsitsiviusimasunik ujartuinermut annertuumik sunniuteqarnissaa ilimananngitsoq. Tassunga ilangutissaq sunniuteqarnera, inissianik nutaanik inissialiornissamut pisortanit taarsigassarsitsiviusimasunik arlalinnik tuniniaanissamut neqerooruteqarnerup naleqquttumik aaqqissuunneqarneratigut, pakkersimaarneqarsinnaassasoq.

Inissialiortiternernut aningaasalersuinermut aaqqissuussinerup aallaavigeqqaagaanut utertinnissaa siunnersummi siunertaavoq, aammalu inissiat nutaanik inissialiornissamut pisortanit taarsigassarsitsiviusimasut, innuttaasut ataasiakkaat imminut inissiamik pilersornissaannut annertunerusumik iluaqutaanissaasa qulakkeerneqarnissaa siunertarineqarluni. Taamatut paasillugu siunnersummi siunnerfigineqarpoq, inatsisitigut inissisimaneq pioreersoq aamma pisortanit taarsigassarsiaritinneqartunut aamma taarsigassarsitsinissamik neriorsuutinut pioreersunut atuuttussanngorlugu, utertinneqassasoq. Taamaalilluni siunnersuut ineqarnermut politikkip kinaassusersiunngitsumik ataatsimullu isigalugu piviusunngortinnissaanut iluaqutaassaaq, tassalu innuttaasut imminut inissiamik pilersornissaannut ilaatillugu inissiamik nammineq pigisamik pisisarnissaannut tunngavisiinissaq.

Tamanna tunngavigalugu naliliisoqarpoq, siunnersuut taarsiissutitalimmik pigisanik piginnikkunnaarsitsinertut iluseqanngitsoq, kisianni inatsisiliortup taarsiissutitaqanngitsumik maleruagassiinissamut nalinginnaasumik periarfissaqarneranut ilaasoq.

8. Oqartussanut kattuffinnullu tusarniaaneq

Siunnersuut piffissami 14. november 2019 – 19. december 2019 tusarniaassutigineqarpoq, aammalu piffissami tessani tusarniaanermut nittartakkani tamanut saqqumitinneqarluni uani www.naalakersuisut.gl.

Siunnersuut tusarniaafffigineqartunut makkununnga tusarniaassutigineqarpoq:

Naalakersuisut Siulittaasuata Naalakersuisoqarfia
Pinngortitamut, Avatangiisinut Ilisimatusarnermullu Naalakersuisoqarfik
Aningaasaqarnermut Naalakersuisoqarfik
Aatsitassanut Suliffeqarnermullu Naalakersuisoqarfik
Aalisarnermut, Piniarnermut Nunalerinermullu Naalakersuisoqarfik
Inuussutissarsiornermut Nukissiuuteqarnermullu Naalakersuisoqarfik
Isumaginninnermut Inatsisinillu Atuutsitsinermut Naalakersuisoqarfik
Peqqissutsimut Naalakersuisoqarfik
Ilinniartitaanermut, Kultureqarnermut Ilageeqarnermullu Naalakersuisoqarfik
Nunanut Allanut Naalakersuisoqarfik
Avannaata Kommunia
Qeqqata Kommunia
Kommuneqarfik Semersooq

Kommune Kujalleq
Kommune Qeqertalik
KANUNUPE
INI A/S
Iserit A/S
SIK (Sulinermik Inuussutissarsiuteqartut Kattuffiat)
Sulisitsisut (GE)

Grønlandsbanken A/S
Bank Nordik, Nuuk
Finanstilsynet
Finans Danmark

Grønlands Ejendomskontor
Ejendomskontoret Igdlo
Lynges.gl
Netbolig.gl
LM Ejendomme

Peqqinnissaq Pillugu Kattuffiit (PPK)
Nunatsinni Perorsasut Kattuffiat (NPK)
Atorfillit Kattuffiat (AK)
IMAK (Ilinniartitsisut Meeqqat Atuarfianeersut Kattuffiat)
Kalaallit Nunaanni Iluniagartuut Kattuffiat (ASG)

Tusarniaanermut akissuteqaatit teknikkikkut kukkunernut kiisalu oqaatsitigut kukkunernut amigaataasunullu oqaaseqaatinik imaqartut, annertunerusumik oqaaseqarfingineqaratik siunnersummut ilanngunneqarput. Missingiutip najoqquqattatigut imarisannut tusarniaanermut akissuteqaatit allat tiguneqartut, pingarnertigut issuarneqarput aammalu matuma kinguliani oqaaseqarfingineqarlutik.

Tusarniaanermut piffissaliussap naanerani tusarniaaffigineqartunit makkunangna akissuteqaat tiguneqarpoq, tusarniaanermut akissuteqaatinut oqaaseqaatit uingasumik allanneqarput:

Kalaallit Nunaanni Iluniagartuut Kattuffiat (ASG) kiisalu Pinngortitamut Avatangiisinullu Naalakkersuisoqarfik oqaaseqaatissaqanngillat.

Siunnersummut tunngavigineqartut Igdlo ApS-ip paasilluarsinnaavai; sulisartut nalinginnaasut inissiamik pisinissamut periarfissaqarnissaannik qulakkeerinissaq. Taamaakkaluartoq illuliortiternernut aningaasalersuineq kisiat pillugu, ineqarneq pillugu politikeqarnikkut kisimi anguneqarsinnaanngitsoq Igdlo ApS-ip ersarissarpaa. Ilaatigut

innuttaasut pisortat attartortittagaannik attartortut namminneq inissiartaarnissaannik kajumissaarnerullugit, ineqarneq pillugu politikkimi immikkoortut allat aamma sammineqartariaqaraluartut.

Tassunga atatillugu paasissutissiissutigineqarsinnaavoq, ineqarnermut tunngasunik, ineqarnermut tamakkiisumik pilersaarummik taaneqartumik, Naalakkersuisut annertunerusumik misisueqqissaarmata. Misisueqqissaarnermit inerniliussat suli naammassineqanngillat. Ineqarneq pillugu aaqqissuusseqqinnermut atatillugu Naalakkersuisut allannguutissatut siunnersuummik massakkut saqqummiippuit. Taamaattumik allannguutissatut siunnersuut, ineqarneq pillugu politikkimut immikkoortutut isigineqassanngilaq.

Inissianik attartortitsarnermi pisortat inissiaataat amerlanerunerat, namminersortullu attartortitsisartut ikinnerunerat Igdlo ApS-ip ersarissarpaa. Taamatut naligiinngitsigisumik aguataaqqaneq, massakkut inatsisisstatut siunnersuutitigut aamma annertusiinnarsinnaasoq. *Inuit amerlanerusut namminneq inissiassaminnik sanaartortsinissaminnut taarsigassarsitinneqarnissaannut periarfissaasa annertusineqarnissaat, allannguutissatut siunnersuutitigut siunertaavoq. Aningaasaliisartut inissialiornissamut aningaasalersuinermut pisortanit taarsigassarsinatik, inissiatut attartortittakkanut aamma atorneqarsinnaasunik, inissialiornissamut suli periarfissaqassapput.*

Igdlo ApS isumaqarpoq, pisortanit taarsigassarsitinneqarluni inissiat piusut pillugit, aningaasaliisartut akornanni iluanaaruteqarnissamik politikissap annerusumik pilersitsisinnaanera siunissami qaninnerusumi eqqarsaatigineqartariaqartoq, tamannalu niuerfimmi pisisartut nalinginnaasut peqataanissamut periarfissaqarfinginngissinnaasaanni, niuerfimmik pilersitseqataasinnaavoq. Aammattaaq tamanna inissianut allanut – pisortanit taarsigassarsiviusimanngitsunut sivikitsumik akilersugassanut - qanoq sunniissanersoq apeqquaavoq.

Illuliortiternernut aningaasalersuinissami taarsigassarsitinneqarsinnaanissaq inunnit amerlanerusunit iluaqutigineqarnerunissa, siunnersuutip siunertaraa. Inissiat pisortanit taarsigassarsiaqarfingineqanngitsut imaluunniit sivikitsumik akilersorneqartussat tunineqartarlutik, niuerfeqareeropoq.

Inissianik ineriartortitsisartut – ilanngullugit entreprenørerit aamma aningaasaliisartut nammineerlutik inissialiortartut – tusarniaaffigineqartut allassimaffianniinngitsut, Igdlo ApS-ip taamatuttaaq oqaatigaa. Tamanna Igdlo ApS-ip eqqumiigaa, tassami atuilernissamut akuersissutip tunniunneqareernerata kingorna qaammatit 6-it qaangiunneranni pisortat taarsigassarsiarititaasa akiligassanngortarerat pillugu siunnersuummi § 9b, imm. 2, illunik ineriartortitsisartunut namminersortunut, ilaatigut inissianik nammineerluni sananeqartunik inuiaqatigiinnut iluaqutaasartunut, annertuumik aarlerinartorsiortitsisussatut isigineqarsinnaassasoq ilimanarmat. Taamaattoq Sulisitsisut tusarniaaffigineqartut akornanniinnerat Igdlo ApS-ip maluginiarpa, taamaattumillu siunnersuut ilaatigut

illuliornernik inuussutissarsiuteqartuni Sulisitsisut ilaasortaannut anngutissasoq ilimagineqartariaqarpoq.

Allannguutissatut siunnersuut Naalakkersuisut tusarniaanermut nittartagaanni tamanit pissarsiarineqarsinnaasimavoq, tassani tusarniaanermut akissuteqarusuttut periarfissaqarsimallutik.

Illuliortiternernut aningaasalersuineq pillugu inatsisip allanngortinneqarnissaa Peqqissutsimut Naalakkersuisoqarfip ernumanartutut isigaa. Tunisinissaq siunertalarugu nutaanik inissialiornissami aningaasalersueqataanissamut sanatitsisoq pisortanit taamaallaat taarsigassarsitinneqarsinnaassaguni, peqqinnissaqarfip sulisuminik inessianik quleriaani il.il. inissiiniarluni attartornissaanut periarfissai ajornarnerulersinnaapput, akisunerulersinnaalluniluunniit. Peqqinnissaqarfip sulisunut inessianik nutaanik sanaartortitsinissaanut pingarnertut atuiffimmi 20.11.70-imi Suliniutinut nutaanut 2022 tikillugu ukiumut 3 mio. koruuninik immikkoortitsisimaneq, Peqqissutsimut Naalakkersuisoqarfip ilanngullugu innersuussutigaa.

Peqqissutsimut Naalakkersuisoqarfip tassunga atatillugu kontumut pingarnermut taaneqartumut tassunga missingersuutinut ilanngussaq innersuussutigaa, tassani ilaatigut makkua paassisutissiissutigineqarput:

"Pingaartumik Nuummi peqqinnissaqarfimmi sulisunut inessianut atatillugu unamminartoqarpoq, matumani ilaatigut sulisussarsiorneq atorfeqartitsiinnarnissarlu sunnerneqarlutik. Sulisunut inessianut unamminartoqarnerani ilaatigut inimik tunineqarnissamut sivisuumik utaqqisoqartarnera pineqarpoq. Peqqinnissaqarfimmi inessianik pisariaqartitsineq matussuserniarlugu namminersortutut attartortitsisartut aqqutigalugit inissiat 25-t missaat maannakkut attartornissaannut atatillugu isumaqatigiissuteqarfigineqarsimapput. Tamanna qaammammut 300.000 kr.-nik ukiumullu 3,6 mio.kr.-nik aningaasartuutaavoq. Naliliineq malillugu namminersortutut attartortitsisartunit attartornermik taamaatitseriarluni aningaasartuutilu sipaarutaasut aammalu 2022-miit ukiumut 3 mio.kr.-t immikkoortinnejartut atorlugit 60-inik sulisunut inessianik sanasoqarsinnaalissasoq taamaaliornikkullu sulisunut inissiat amerleriangaatsiarneqarsinnaasut. Illuut A/S-ip ataani inissiat assigalugit taarsigassarsiniartarfiit aningaasaliissuteqarnerisigut sulisunut inessianik sanasoqarumaarpoq."

Peqqissutsimut Naalakkersuisoqarfik naliliivoq, inatsimmut allannguutissaq siunnersuutigineqartoq siuliani taaneqarluni suliniutip ingerlannissaa ajornartorujussuussasoq. 2020-mi juulip aallaqqaataani atuutsilersinniarneqarnera aamma qanippallaarsorinarpoq.

Peqqissutsumut Naalakkersuisoqarfíup tamatumunngá tunngatillugu ernumanerattut Naalakkersuisut ernumanngillat. Sulisunut inissianik nutaanik sanaartornissamut ukiunut aningaasanut inatsisitigut ukiumut aningaasanik immikkoortitsisoqartareerpoq, taakkununngalu allannguutissatut siunnersuut sunniuteqartussaanngilaq. Tamatuma saniatigut Naalakkersuisut isumaqarput, atuutsilersinneqarnissaanut piffissaliussassatut siunnersuutigineqartoq naapertuuttoq. Piffissaq atuutilerfissa 2021-imi januarip aallaaqqaataanut allanngortinneqarpoq, tassami siunnersuut aatsaat Inatsisartut ukiaanerani ataatsimiinnerisa nalaanni suliarineqartussanngorlugu saqqummiunneqartussaammat. Tamatuma saniatigut inissianut tamakkiisumik pilersaarummi suleqatigiissitaliaqarpoq, tassani sulisunut inissiat ilaatinneqarlutik.

Isumaginninnermut, Inatsisinillu Atuutsitsinermut Naalakkersuisoqarfik (IIAN) ataatsimut isigalugu isumaqarpoq, pissutsinut equngatitsissutaasussanut pisortat aningaasaliinissamik neqerooruteqartariaqanngitsut. IIAN-ip nalilerpaa, tamanna siunnersuutitigut unitsinneqassasoq.

Naalakkersuisut tamanna tusaatissatut tiguaat.

Inissianik ujartuineq annertujartuinnartillugu, tuniniarneqartartullu ujartuinermut matussusiisinjaatinnagut, inissianik amerlavallaanik sanaartortoqarsinnaassasoq ilimanngilaq. Inunnut attartortinnejartartunut, inissiallu inunnut tuniniarneqartartunut kvadratmeterimut akigititat qaffasisorujussuupput. Tamatuma kingunerisaanik, isumannaatsumik qularnaveeqquissaqarluni taarsigassarsisitsartunit assinganik annertuumik taarsigassarsisoqartassajunnarsivoq. Sanaartornissami aningaasalersuinissamik pisortat neqerooruteqarnerisa kingunerisaannik, inuiaqtigiiit aningaasaqarnerinut equngasumik kinguneqarsinnaanera IIAN-ip ilanngullugu ersarissarpaa.

Naalakkersuisut kissaatigaat, aningaasalersuinissami pisortat periarfissiissutaat iluaqutaasinnaaffiini naleqquuttumik iluaqutaasinnaanngorlugit, innuttaasut imminnut inissianik pilersorsinnaasut sapinngisamik amerlanerpaaat periarfissanik piusunik atorluaassasut.

Kiisalu IIAN isumaqarpoq, inatsisip allanngortinneqarnissaanik siunnersuuteqarnikkut tulliuttut qulakkeerneqassasut:

- Kommunit karsiisa artukkerneqartarerat eqquaasarnerallu annikillissaq
- Taarsigassarsitinneqarnissamik qinnuteqaatit suliarineqartarnerini ukiumut sulinerit annikillissapput
- Pisortat aningaasaataat annertuumik sanaartornernut atorneqaratik, siunertanut allanut atugassanngortinneqassapput
- Taarsigassarsisitsartunit, aningaasaleeqataasartunillu inuit atuinerat annertusisinnaavoq

Pisortat ingerlatsinerat annikinnerusumik artukkerneqalerpat, assersuutigalugu isumaginninnikkut suliassanut, matumani ineqarneq ilanggullugu, kommuninut nukiit annertunerusut ingerlateqqinneqarsinnaalissagaluarput.

Illuliortiternernut aningaasalersuinissami aningaasanit immikkoortitanit kommuninut nuutsisoqarnikuuvooq, inissianillu ujartuineq iliuuseqarfingisinnaaqqullugu, illuliortiternernut aningaasat immikkoortitat kommuninit tamakkisumik atorluarneqassasut Naalakkersuisut kissaatigaat.

Vagn Andersen Grønlands Ejendomskontor/Grønlands Ejendomsselskab aqqutigalugu tusarniaanermut akissuteqarpoq, tassani siunnersuut tapersorsorlugu. Vagn Andersen-ip isumaa malillugu pisortat inissianut aningaasalersuinerat pillugu inatsit taamatut aallaqqaataaniilli ilusilorsorneqarsimasussaagaluarpooq. Kisiannili inatsisaaqqaartoq pisortat inissiaataannik allatut ilusiliinermik tunngaveqarpoq, aammalu pisortat suliffeqarfii inissianut normunik arsaarneqartut, atugassarititaasut naapertuunnerulaartut tunngavigalugit sulisunut inissialornissamut periarfissinniarlugit aaqqissuussineq ilaatigut atuutsinneqalerpoq. Taamaattoq Vagn Andersen-ip oqaatigaa pisortat aningaasalersuinissamut periarfissaqarnerat suliffeqarfinnut sulisunut inissianik pisariaqartitsisunit taamaallaat atorneqanngitsoq, kisianni aamma iluanaarniapiilunnissamik siunertaqartumik atorneqartoq, tamannalu soorunami aaqqissuussinermi siunertaasimangilaq.

Ullumikkut suliaqartut amerlanerusut pisortanit aningaasalersorneqartunik, annertunerpaaatigut pisinermut nammineerluni aningaasalersuisinnaanerup marloriaataannut attartortinnejartartunik inissialortartut, Vagn Andersen-ip oqaatigaa. Ullutsinni inissiarpaluit attartortitsisartunit ataasiakkaanit, annertunerpaaatigut pisinermut nammineerluni aningaasalersuisinnaanerup marloriaataannut attartortitsisartunit, mattusimatinneqarput. Siunissami inatsit illuutinut niuerfimmi ingerlalluarnerulersitseqataasussaavoq; ataasiakkaat pisariaqartitsineq malillugu inissiamutannerusumut minnerusumulluunniit nuunnissamut periarfissarissaarnerulerlutik.
Inatsisartut inatsisaat ilaannut siunertaanngitsumik kinguneqarsinnaasooq Naalakkersuisut ilisimaaraat. Tamanna tunuliaqutaralugu Naalakkersuisut siunnersuummik saqqummiussipput, suliniutinillu allanik aallartitsillutik.

Kommune Kujalliuup maluginiarpa, illuliortiternernut aningaasalersuinissami pisortat taarsigassarsiissutigisartagaat inissianik attartortittagassanik sanaartornissamut pissarsinissamulluunniit atorneqartarnissaat, inatsisissatut siunnersuutikkut pinngitsoortinniarneqartoq. Innuttaasut suli amerlanerusut inigisaminnik namminneq piginnittunngornissaat kommunip kissaatigaa, ilutigalugulu pisortat attartortittagaasa ilungersunartumik inisisimancerat annikillisinneqassasoq kommunimut pingaruteqarluni.

Taamaakkaluartoq kommune Kujalliuup ilanngullugu oqaatigaa, illuliortiternernut aningaasalersuinissami taarsigassarsisitsisarnermi inissianik attartortittagassanut taarsigassarsisitsisarnissaq ilaatinneqanngivissornissaa aallaqqaammut eqqarsaataasimanngitsoq, kommunillu inatsisartut peqqussutaat atorunnaarsinnejarnikuulluni 2007-imeersup piareersarneqarnera innersuussutigaa. Kommunip kissaatigilliunnarpaa, kommunimi inuutissarsiornerup nukitorsarnejarnissaani kommunip pissusissatut isigalugu suliffeqarfiiit namminersortut, pisortallu sulisunut inissiassanik sanaartornissaanni aningaasalersorneqarsinnaanissaat, illuliortiternernut aningaasalersueriaatsip allanngortinneqarnissaanik siunnersuutitigut akimmiffinngortinneqassanngitsoq. *Naalakkersuisut kissaatigaat, aningaasalersuinissami pisortat periarfissiissutaat iluaqutaasinnaaffiini naleqquuttumik iluaqutaasinnaanngorlugit, innuttaasut imminnut inissianik pilersorsinnaasut sapinngisamik amerlanerpaat periarfissanik piusunik atorluaassasut. Entreprenørerit annerit tunisinissaq siunertaralugu inissianik suli sanaartorsinnaanissaat, ilutigalugu suli periarfissaassaaq.*

Kommune Kujalliuup ersarissarpaa, siunnersuummi oqaasertaliussat ersarinnerusinnaagaluartut imaalillugu, sulisunut inissiat, inissiallu inuutissarsiornermut attuumassuteqaratik attartortinneqartut eqqaassanngikkaanni, inissiat taarsigassarsitinneqarluni sanaartorneqarsimasut attartortinneqartassanngitsut. *Naalakkersuisut tamanna tusaatissatut tiguaat, taamaakkaluartorli siunnersummik saqqummiussisoqarnissa suli pisariaqartoq nalilerlugu.*

Ataatsimut isigalugu Kommuneqarfik Sermersuup nalilerpaa, siunnersuutitigut namminersortut attartortitsisarnerini aningaasaleeqataasannginnissamik siunertaqarneq anguneqartoq. Taamaakkaluartoq siammasinnerusumik isigaluni naleqquutinngitsunik kinguneqartussaasoq nalilerneqarpoq.

Kommuneqarfik Sermersooq isumaqarpoq, kommunit siumut neriorsuutinik malittarinnillutik suliaqartarnerat eqqarsaatigalugu, kommunit allaffissornikkut suliaqartarnerinut allannguutissatut siunnersuutigineqartoq ilungersunartumik inissiissasoq. Inissiat sorliit tunineqarsimanersut kommuni equeersimaartumik nakkutiliissaaq. Kommuneqarfik Sermersuup nalilerpaa, suliassaq annertoorujussuussasoq, sanatitsisunullu namminersortunut aningaasalisartunulluunniit aalajangersagaq iluaqutaasussaanngimmat, tamanna pillugu kommunimut nalunaaruteqartarnissaminnik soqtiginnissanngimmata, qularnannngitsumik kommuni taamaalilluni ujartuisalissasoq. Kommunit taarsigassarsiissutinik suliaqartarnerini, allannguutip kingunerisaanik kommunit nutaanik suliassaqlissapput, nutaanillu suleriaaseqalissallutik.

Allannguutissatut siunnersuutip kingunerisaanik, kommunit allaffissornikkut suliaqartarnerini ilungersunartumik inissiissanngitsoq nalilerneqarpoq. Kommuni taarsigassarsisitsisutut, piginnittut allanngorneri pillugit ilisimatinneqartassaaq. Taamaattumik kommuni paasissutissanik allanik tigusisimatinnagu naatsorsuutigineqartariaqarpoq, sanatitsisoq inissianik suli piginnittooq, qaammatillu arfinillit qaangiunnerini taarsigassarsisitsinissamik siumut neriorsuut atorunnaassalluni. Sanatitsisoq inissianik tunisinissaminut kajumissuseqalissaaq. Tamatuma saniatigut oqaatigineqarsinnaavoq, taarsigassarsisitsisutut suliassanik suliarinninnermut akiliuteqartitsinissamut kommunit periarfissaqareermata.

Tamatuma saniatigut nalilerneqarpoq, pingaartumik Nuuk eqqarsaatigalugu innuttaasut amerliartornerat, inissianillu amigaateqarneq annertoreertillugu, Nuummi illoqarfimmik inieriartortitsinermut iluaqutaassanngitsoq. Kommunip pilersaarusrusiorfigineqarneratigut sanaartorfissat ilaqtariinnut ataatsinut immikkoortinnejnqaratik, inissiarsuarnut immikkoortinnejnqarnissaat siunertaavvoq. Taamaattumik inuit ataasiakkaat ilaqtariinnut ataatsinut inissianik sanaartornissaannik siunertaqarnermut, Nuummi pilersaarutissatut tunngavigisaq tunngavissiinngilaq.

Ilaqtariinnut ataatsinut sanaartornissaq kisimi kajumissaarutaanngilaq, sumiiffinnulli ataasiakkaanut naleqquttunik inissianik assigiinngitsunik sanaartortoqarnissaa kajumissaarutaalluni. Taamaalilluni inuinnaat inissianik pisisoralugit, inissiarsuarnik sanaartornikkut tamanna aamma naammassineqarsinnaavoq.

Qaammatit arfinillit iluini inissiat tunineqarnissaannik piumasaqaaserlugu taarsigassarsiissutigineqartartut nalorninarnerusunngortinnejnqarnerisigut namminersortunut atugassaritaasut ajorseriartinnejnqarunik, inissianik nutaanik sanaartornernut annikillisaataaqinammat Kommuneqarfik Sermersuup ernummataigaa. Ullutsinni inissianik sanaartornermi piffissaq atorneqartartoq malillugu sanaartorusussuseq qularnangitsumik apparinneqassaaq. Taamaaliornermi inissaaleqinerup iluarsiivigineqarsinnaannginnera aarlerinaateqarpoq.

Naalakkersuisut kissaatigaat, aningaasalersuinissami pisortat periarfissiissutaat iluaqutaasinnaaffiini naleqquttumik iluaqutaasinnaanngorlugit, innuttaasut imminnut inissianik pilersorsinnaasut sapinngisamik amerlanerpaat periarfissanik piusunik atorluaassasut. Entreprenørit annerit tunisinissaq siunertaralugu inissianik suli sanaartorsinnaanissaat, ilutigalugu suli periarfissaassaaq.

Inuit ilaqtariinnut ataatsinut inissiamik sanaartorusullutik, taarsigassarsitinneqarnissaminnik siumut neriorsuutissamik qinnuteqaataannik Kommuneqarfik Sermersuup tigusarnera annertunngilaq. Nutarterinissamut taarsigassarsitinneqarnissamik qinnuteqaatit taamatulli ipput. Qinnuteqaatit tiguneqartartut eqqarsaatigigaanni, taarsigassarsitinneqarnissamik siumut neriorsuutteqarsinnaammat, sooq inatsimmut allannguutissatut siunnersuutigineqartut pisariaqarnersut kommunip takujuminaatsippaa.

Ilaqtariinnut ataatsinut sanaartornissaq kisimi kajumissaarutaanngilaq, sumiiffinnulli ataasiakkaanut naleqquttunik inissianik assigiinngitsunik sanaartortoqarnissaa kajumissaarutaalluni. Taamaalilluni inuinnaat inissianik pisisoralugit, inissiarsuarnik sanaartornikkut tamanna aamma naammassineqarsinnaavoq.

Kalaallit Nunaanni Sulisitsisut Naalakkersuisunut innersuussutigaat, siunnersuut taamaatiinnarneqassasoq. Pisortat inissianut aningaasalersuinerat inissianik attartortittakkanik sananissamut /pisinissamut tunngavissatut, aningaasalinermut suliniutitut, atorneqarnissaat immaqa siunertaasimanngitsoq, Sulisitsisut akuersarpaat. Kisiannili taamaaliornermi inissianik pilersuinermi, pingaartumik Nuummi pisariaqarluinnartumi, ingerlaavartitsilfersimaneq, Sulisitsisut tikkuarpaat. Taamaaliornermi inuit inissaaleqisut isumatusaartumik akeqartitsilluni aammalu pitsaasumik pitsaassusilimmik initaarnissamut periarfissinneqarsimapput.

Inatsisartut inatsisaat ilaannut siunertaanngitsumik kinguneqarsinnaasoq Naalakkersuisut ilisimaaraat. Innuttaasut sapinngisamik amerlanerpaat imminnut inissiamik pilersorsinnaasut, periarfissanik atuuttunik atorluaanissaat Naalakkersuisut kissaatigaat, taamaalilluni naapertuutsillugu pisortat aningaasalersuinissamut periarfissiinerat iluaqutaassalluni. Peqatigisaanik entreprenørit annerusut tuniniaqqinnissaat siunertaralugu inissialiornissamut suli periarfissaqassaaq. Aningaasaliisartut taamatuttaaq inissianut aningaasalersuinermut pisortanit taarsigassarsinatik, inissiatut attartortittakkatut atorneqarsinnaasunik, inissialiornissamut suli periarfissaqarput.

Tamatuma saniatigut Kalaallit Nunaanni Sulisitsisut isumaqarput, pisortat attartortittagassaminnik namminneerlutik inissialiortitsinissaannut sanilliukkaanni, ullumikkut taamatut aningaasaleeriaaseq pisortanut akikinnerusoq. Tassunga ilanngullugu pisortat attartortittagaataannik aqutsisoqartarmat, pisortat matumanit aqutsissangillat.

Naalakkersuisut kissaatigaat, aningaasalersuinissami pisortat periarfissiissutaat iluaqutaasinnaaffiini naleqquatumik iluaqutaasinnaanngorlugit, innuttaasut imminnut inissianik pilersorsinnaasut amerlanerpaat periarfissanik piusunik atorluaassasut.

Entreprenørit annerit tunisinissaq siunertaralugu inissianik suli sanaartorsinnaanissaat, ilutigalugu suli periarfissaassaaq.

Tamatuma saniatigut Kalaallit Nunaanni Sulisitsisut isumaqarput, taamatut aningaasaleeriaaseq ukiut arfineq-marluk ingerlanerini atorunnaarsikkiartuaarneqartussammat, siunnersuut ingasaassilluni takorluuinerusoq. Atorunnaarsitsiartuaarnerup kingunerisaanik, tamatumunnga tunngatillugu namminersortunut taarsigassarsisitsisarneq/tigusisarneq siunnersuutitigut unitsinniarneqartoq, ukiunit marlunnit pingasut tungaannut taamaallaat atuutissaaq.

Illioriternernut aningaasalersuineq naapertorlugu Nuummi taarsigassarsitinneqarnissamut periarfissat atorunnaarsikkiartuaarneqarnerat Naalakkersuisut eqqummaariffigaat, maluginiaqqulluguli Inatsisartut inatsisaat nuna tamakkerlugu atuummat. Taamaalilluni Nuummiinnaanngitsoq illoqarfinni anginerusuni assinganik ajornartorsiortoqarsinnaavoq.

Inissiarsuarnik sanaartortoqarpallaarunnaarnissaanut kinguneqaataasinnaasunut, tusarniaanissaq sioqquillugu ersarinnerusumik misissuisoqarsimanseroq oqaaseqaatinii takuneqarsinnaannginnera Nunatsinni Advokatit ersarissarpaat. Tamatuma kingunerisaanik, inissarsiortunut attartortitassat amerlavallaarunnaarnissaat naatsorsuutigineqartariaqartoq, tamannalu attartornermut akiliutip angissusaanut aammalu innuttaasup initaarnissamut periarfissaannut sunniuteqassasoq naatsorsuutigineqartariaqarpoq.

Naalakkersuisut kissaatigaat, aningaasalersuinissami pisortat periarfissiissutaat iluaqutaasinnaaffiini naleqquatumik iluaqutaasinnaanngorlugit, innuttaasut imminnut inissianik pilersorsinnaasut amerlanerpaat periarfissanik piusunik atorluaassasut.

Entreprenørit annerit tunisinissaq siunertaralugu inissianik suli sanaartorsinnaanissaat, ilutigalugu suli periarfissaassaaq, immaqa ullutsinnut naleqqiullugu

taamarsuunngikkaluartoq, sulili periarfissaassaaq. Tamannali ersarinnerusumik misissuiffigineqarnikuunngilaq.

Malittarisassat allangortinneqarnissaanni kingunissat ersarissumik misissorneqarsimatinngagit, innuttaasut inissaqarnissaminik tunngaviusumik pisariaqartitaannut tunngatillugu malittarisassanik allannguiiarneq ernumanartutut Nunatsinni Advokatit isigaat.

Pissutsit massakkut taamaatsillugit, periarfissaq entreprenørinut ataasiakkaanut iluaqutaavoq. Illulioriternernut aningaasalersuinissami aningaasat immikkoortinneqartut, innuttaasunit pisariaqartitsisunit atorneqarnissaannut siunnersuut ammaasseqataassaaq. Taamaattumik innuttaasut imminnut inessianik pilersorsinnaasut, imminnut ilaquettaminnullu inessianik sanaartitsisinnaanissaat allannguutissatut siunnersuutitigut siunertaavoq.

Siunnersuut pisortanut allaffissornikkut sunniuteqassasoq ilimagineqartariaqartoq, Nunatsinni Advokatit oqaatigaat, taamaalilluni taarsigassarsinissamik qinnuteqartoqarnerani, siunissami qinnuteqartumut tassunga siusinnerusukkut taarsigassarsitsisoqarsimasinnaaneranut tunngatillugu, misissusoqartartussaassalluni. Taamaaliornermi taarsigassarsitsinissamut neriorsuuteqarnermut atatillugu piffissaq suliassanik suliariinninnermut atorneqartartoq aamma sivitsussasoq ilimagineqartariaqarpoq, tamannalu sanatitsisup illuliornermik piviusunngortitsinissaanut annertuunik sunniuteqarsinnaassalluni.

Pisortanit taarsigassarsiaqarluni inessianik tunisinissami akigititassap inissinnissaani, taarsigassarsiissutigineqartartut nanginneqarsinnaassanersut nanginneqarsinnaassannginnersulluunniit aalajangersakkat apeqqutaanissaat, tamannalu qularnaveeqquusiussaqarluni taarsigassarsinermi allagartami uppernarsineqarsinnaajunnaarnissaa Nunatsinni Advokatit ersarissarpaat. Taassuma kingunerisaanik tunisiarnermi aningaasartuutit aamma qaffassasut kiisalu tunisinerit tamarmik illunik tuniniaasartoq imaluunniit advokati aqqutigalugu ingerlanneqarneq ajormata, inissiamik tunisiarnermi assigiinngitsutigut aningaasartuutit naggataatigut qaffaratarsinnaallutik kukkuluttornissat annerusinnaasut naatsorsuutigineqartariaqarpoq. *Naalakkersuisut tamanna tusaatissatut tiguaat. Taarsigassarsiissutit nanginneqarsinnaassersut nanginneqarsinnaannginnersulluunniit inessianik naliliinermi sillimaffigineqartussaajunnaarlugu, erniaqanngitsunik taarsersugassaanngitsunillu taarsigassarsiissutigineqartut nanginneqarsinnaanngitsut illunik tuniniaasartup advokatilluunniit aallaqqaataaniilli aamma ilimagisinnaavaat. Taarsigassarsiissutit nanginneqarsinnaatillugit pisisumut iluaqutaaginnassaaq, akimillu aalajangiinissami isiginiarneqassanatik.*

Nunatsinni Advokatit isumaqarput, qaammatinik arfinilinnik piffissaliussaq qaqugukkut atuutilissanersoq siunnersuutigineqartumi § 9 b-mi imm. 2-mi ersarluttoq.

Inissiamut atuisinnaanermik akuersissummit tunniussivimmit piffissaliussaq atuutissaaq.

Inissianut atuilernissamik aktuersissutip nalunaarutigineranit kingusinnerpaamik qaammatit arfinillit qaangiunnerisigut inissiat tunineqarsinnaappata, sanatitsisut namminersortut nutaanik inissialiornissamut taarsigassarsitinneqarnissamut neriorsuummik suli tunineqarsinnaanerat Banknordikip erseqqissaatigaa. Taamatut allannguisoqassappat aningaaserivimmik aningaasalersuinissaq eqqarsaatigalugu sanatitsisut namminneq aningaasalersuinissaannut piumasaqaatit annertunerulinngikkunik, sanaartornissaq aallartinneqartinnagu sanaartukkat tamakkerlugit tunineqarnissaat pillugu piumasaqaasiortoqassaaq.

Pissutsit massakkut taamaatsillugit, periarfissaq entreprenørinut ataasiakkaanut iluaqutaavoq. Illuliortiternernut aningaasalersuinissami aningaasat immikkoortinneqartut, innuttaasunit pisariaqartitsisunit atorneqarnissaannut siunnersuut ammaasseqataassaaq. Taamaattumik innuttaasut sapinngisamik amerlanerpaat imminnut inissianik pilersorsinnaasut, imminnut ilaquitaminnullu inissianik sanaartortitsisinnaanissaat allannguutissatut siunnersuuititigut siunertaavoq.

Nutaanik inissialiortarneq annikillisinneqassappat, qanoq pisoqaraluarpalluunniit suliffissaqtitsiniarneq aamma akileraarutitigut isertitat annikillisussaassasut, Banknordik-ip oqaatigaa.

Banknordikip ilanngullugu erseqqissaatigaa, inissaaleqinermi suliffeqarfiiit sulisutik inissaqartikkumallugit ullutsinni inissianik pisisartut allatut ajornartumik akisunerusunik inissianik pisisalertariaqassasut, tamatumalu malitsigisaanik inissianik pisistarneri annikillissasoq naatsorsuutigineqarsinnaasoq.

Naalakkersuisut tamanna tusaatissatut tiguaat. Innuttaasut nalinginnaasut inissiamik pisinissaat allannguutissatut siunnersuummi Naalakkersuisut ajornannginnerulersinniarpaat.

Banknordikip nalilerpaa, selskabit inissianik attartortitsisarnermik annerusumik ingerlataqarlutik inissianik amerlanerusunik tuniserusuttunut, tunisinermi akigititanut annertuumik sunniuteqarsinnaasoq. Suliffeqarfimmi kinguariit nikissasut kissaatigineqarpat taamatulli pisoqassasoq aamma isumaqarput, inatsisissatummi siunnersuut naapertorlugu taarsigassarsiissutit akilerneqaratnissaannik kinguneqassammatt.

Naalakkersuisut tamanna tusaatissatut tiguaat. Taarsigassarsiissutit nanginneqarsinnaersut nanginneqarsinnaannginnersulluunniit inissianik naliliinermi sillimaffigineqartussajunnaarlugu, ernaqanngitsunik taarsersugassaanngitsunillu taarsigassarsiissutigineqartut nanginneqarsinnaanngitsut illunik tuniniaasartup advokatilliunniit aallaqqataaniilli aamma ilimagisinnaavaat. Taarsigassarsiissutit nanginneqarsinnaatillugit pisisumut iluaqutaaginnassaaq, akimillu aalajangiinissami isiginiarneqassanatik.

Inatsisissatut siunnersuummi inissiarsuarnik amerlasoorsuarnik inissiartalinnik nutaanik sanaartorneq annikillisinneqassasoq ilimanaateqartoq, siunnersuummut nassuaatini allassimasoq, Banknordik-ip maluginiarpaa. Tassunga tunngatillugu Banknordik-ip oqaatigaa,

immikkoortunik ikittunik sananissaq immikkoortunik amerlasuunik sananissamit akisunerusoq, taamaalillunilu illuliornermut akigititaq qaffannerat sunniutigisussaallugu.

Aammattaaq Banknordik-ip oqaatigaa, inissiat amerliartortinnejarunnaarpata, Nuummi maannakkut innuttaasut amerliartorneranni attartortitsisarneq tatisimaneqalertussaavoq, tamannalu taamatuttaaq akigitat qaffannerannik malitseqarsinnaasoq.

Banknordik naliliivoq, siunnersuut qanoq pisoqaraluarpalluunniit suleriaatsimik nunaminertanik neqeroornermi atuutsinneqalersumik annikillisitsissasoq naatsorsuutigineqartariaqartoq, tassani inuussutissarsiortut namminersortut najukkamut pilersaarummut siunnersummik suliaqartarnissaat kissaatigineqarpoq, aammalu sanatitsisup nammineerluni sanaartorfissagissaaneq isumagisussaallugu.

Innuttaasut sapinnigisamik amerlanerpaat imminnut inissiamik pilersorsinnaasut, periarfissanik atuuttunik atorluaanissaat Naalakkersuisut kissaatigaat, taamaalilluni naapertuutsillugu pisortat aningaasalersuinissamut periarfissiinerat iluaqutaassalluni. Peqatigisaanik entreprenørerit annerusut tuniniaqqinnissaat siunertaralugu inissialiornissamut suli periarfissaqassaaq. Aningaasaliisartut taamatuttaaq inissianut aningaasalersuinermut pisortanit taarsigassarsinatik, inissiatut attartortittakkatut atorneqarsinnaasunik, inissialiornissamut suli periarfissaqarput.

Inissiamik pisisoq inissiaminik qimataminik suli tunisinani inissiarsippat, assersuutigalugu inissiaq aatsaat qaammatialuit qaangiuppata tunineqarsinnaatillugu, pisisoq marlunnik inissiaateqalernissaa Banknordikip ersarissarpa. Tassani piginnittut nikinnissaanni pisisoq ajornartorsiuteqalissammat, eqaannerusumik ikaarsaartoqarsinnaanissaa inatsisisstatut siunnersummi amigaatiginarpoq.

Naalakkersuisut tamanna tusaatissatut tiguaat. Taamaakkaluartoq pisisoq inissiamik qimataminik suli tunisinani taarsigassarsitinneqarnissaminik siumut neriorsorneqarsinnaasimappat, pisisoq erniartaqanngitsunik taarsersugassaannngitsunillu taarsigassarsitinneqarsimanani pisisinnaassasoq naatsorsuutigineqartariaqarpoq.

Kiisalu Banknordikip oqaatigaa, §§ 5-8 naapertorlugit pisortanit taarsigassarsiissutit piginnittut nikinnerini akiligassanngortinnejassasut, taamaalillunilu aamma suliffeqarfimmi kinguariit nikinnerini.

Tamanna ilumoopoq.

Tamatuma malitsigisaanik suliffeqarfiit tunngaviatigut piffissami aalajangersimasuni tunineqarsinnaannginnerulersinnaasut, BankNordik naliliivoq. Peqatigisaanik suliffeqarfiit taarsigassarsilluni aningaasalersuinermut atatillugu tatisimaneqarnerulerneq malugisinnaassavaat.

Inuk inissiamut ataatsimut pisortanit taarsigassarsisinhaasoq pillugu inatsisissatut siunnersummi aalajangersagaq pillugu Grønlandsbanken-ip oqaatigaa, killiliineq taanna inissianik piginnittunut namminersortunut, allamik initaarnissamik kissaateqartunut, nalinginnaasunut tunngatillugu naapertuutinngitsunik sunniuteqarsinnaassasoq.

Inissianik tuniniaaneq akimmiffilersornissaa imaluunniit akitsorsaanissaa siunertarinagu, aaqqiissut aqqutigalugu inuiaqtigii iluanaaruteqarfinginiarneqannginnissaasa qulakkeerneqarnissaa, inatsisissatut siunnersuutip aalajangersagaatigut siunertaasoq Grønlandsbankip ersarissarpaa. Kalaallit Nunaanni illuutillit arlaqartut pisortanit aningaasalersorneqarnissartik kissaatigisarpaat, illuutilillu anginerusumut nuunnissaminnik kissaateqartut, pisortanit taarsigassarsilluni pisiarineqarsimasunik illusinissaminnik nalinginnaasumik kissaateqartarput. Marlunnik illuuteqarnissaq sivikitsuinnaatillugu pisortanit taarsigassarsiissutigineqarsimasut annaaneqannginnissaat pillugu illuutillit illersorneqarnissaannut aalajangersagaliortoqarsinnaassaaq.

Naalakkersuisut tamanna tusaatissatut tiguaat. Erniaqanngitsunik akilersugassaanngitsunillu taarsigassarsitinneqarsinnaaneq, iluanaaruteqarsinnaanermut ajoraluartumik periarfissiivoq. Illup tunineqarnerani nalingata inissinnissaani, erniaqanngitsunik taarsersugassaanngitsunillu taarsigassarsiissutigineqarsimasut eqqarsaatigineqanngippata, tamanna ajornartorsiutaassanngilaq.

Qaammatinik arfinilinnik piffissaliinermut atatillugu Grønlandsbankip ersarissarpaa, taarsigassarsitinneqarnissamik siumut neriorsuut atorunnaarsinneqaratarsinnaanera sanatitsisumut namminersortumut naleqqutinngitsumik annertuumik kinguneqarsinnaasoq.

Sanaartornerup nalaani inissianut pisisussaqanngitsunut taamaallaat taarsigassarsitinneqarnissamik siumut neriorsuutit atorunnaarsinneqartartussanngorlugit, sakkukinnerusumik aaqqiissuteqartoqassasoq aningaaseriviup kajumissaarutigaa.

Piserusussinnaasunik sanatitsisoq siumut neriorsorneqarsimatillugu, kingornali inissiamik pisisinnaangitsunut, pisisussamik nutaamik nassaartoqarnissaata tungaanut taarsigassarsitinneqarnissamik siumut neriorsuut atuutsiinnarneqartariaqaraluarpoq.

Atuisinnaanermik akuersissummik tunniussinerup kingorna qaammatit arfinillit qaangiunnerini, taarsigassarsisitsinissamik siumut neriorsuut atorunnaassaaq. Taamaalilluni sanaartornerup nalaani, atuisinnaanermillu akuersissutip tunniunneqarneranit qaammatit arfinillit ingerlanerini, inissiamik pisisussamik nassaarnissaminut sanatitsisoq piffissamik periarfissaqarpoq.

Piginnittut nikinneranni pisortat taarsigassarsiititaasa akiligassanngortarnerat pillugu § 11, imm. 1-imut tunngatillugu, toqusoqarnerani, akiliisinnaajunnaartoqarnerani kattuttoqarneranilu qanoq inissisimasoqarnissaa inatsimmut nassuaatini isummerfigineqarnissaa Grønlandsbanken-ip ujartorpaa.

Siuinssami qaninnerusumi pisisussanik naammattunik nassaartoqaratartoqarsinnaatinnagu inissiat arlallit tassanngaannartumik akilerneqartariaqaratarnissaat patsisaalluni, inissiat akiisa

tassanngaannartumiik nikeratarsinnaanerat pillugu aningaaserivik
mianersoqqussuteqartassasoq, inatsisisstatut siunnersuutitigut anguniagaq ersarittoq
Grønlandsbankip oqaatigaa. Kalaallit nunaanni illoqarfinni inissianik tuniniaasarneq
attartortitsisarnerlu annertugisassaanngilaq, taamaattumillu sunnertianerullutik.

*Naalakkersuisut tamanna tusaatissatut tiguaat. Aningaasaliinerni assigiinngitsuni
aarlerinartoqartuaannarpoq. Erniaqanngitsunik taarsersugassaanngitsunillu
taarsigassarsiissutigineqartut qaquguluunniit aamma akilerneqartussaapput.*

Siunnersuummi aalajangersakkanut ataasiakkaanut nassuaatit

§ 1-imut

Nr. 1-imut

Siunnersuutigineqarpoq nutaanik inissialiornissamut taarsigassarsiaritat inunnut taamaallaat tunniunneqarsinnaasut. Inunnut inissiamik piginnittunut taarsigassarsitsisoqassaaq. Arlalinnik nammeneq pigisanik inissiartaqartumik inissiarsualiornermut ilaatillugu taarsigassarsitsinissamik neriorsuuteqartoqarsinnaanera kingusinnerusukkullu taarsigassarsianik tunniussisoqarsinnaanera allannguuteqanngilaq. Siunnersuutip atuutilernerani pisinnaatitaallutillu pisussaatitaasunut, soorlu assersuutigalugu aktiaatileqatigiiffinnut imaluunniit ingerlatseqatigiiffinnut piginneqatigiiffiusunut, aallarnisaasut ingerlatseqatigiiffiinut, aningaasaateqarfinnut peqatigiiffinnullu, nutaanik inissialiornissamut taarsigassarsitsisoqarsinnaanngilaq.

Kommunalbestyrelsimiit taarsigassarsinissamut neriorsuuteqarnissamut piumasaqaataavoq taarsigassarsisup nammeneq sanaartornermi aningaasartuutit tamarmiusut sinnerinik aningaasalersuisinnaanera. Aamma siunnersuummi § 27-mit takuneqarsinnaavoq nammeneq aningaasalersuinissamut uppermarsaat qinnuteqaammut ilanngunneqassasoq.

Nammeneq aningaasalersuinissamut uppermarsaat amerlanertigut tassaasinnaavoq inissianik nutaanik sanaartornissamut aningaaserivimmiit amma/imaluunniit illumumik qularnaveeqqusilliuni taarsigassarsisitsisarfimmiit aningaalersuinissamut neriorsuut. Aningaasalersuinissamut neriorsuummi inissianik nutaanik sanaartornermut aningaasartuutit tamarmiusut pillugit missingersuusiamut naapertuitissaq.

Inatsisartut inatsisaanni § 4-p malitsigisaanik taarsigassarsisoq 110 kvadratmeterinik anginerusunik aamma m^2 -imut 20.000 kr.-nik akisunerusunik sanaartorsinnaavoq. Taarsigassarsisulli inissianik nutaanik sanaartornermi aningaasartuutit tamarmiusut nammeneq aningaasalersortussaallugit, aningaasartuutit taarsigassarsiffiusinnaasut saniatigut. Aningaaserivimmi taarsigassarsisoqarsinnaavoq, illumumik qularnaveeqqusilliuni taarsigassarsisitsisarfimmi taarsigassarsisoqarsinnaavoq imaluunniit allatigut aningaasalersuisoqarsinnaalluni.

Nr. 2-imut

§ 9 a, imm. 1-imut

Siunnersuutigineqarpoq inuit kisimik, inissiamut ataatsimut, nutaanik inissialiornissamut taarsigassarsitneqarsinnaasut. Inunnut inissiamik piginnittunut taarsigassarsitsisoqassaaq.

Inuk ataaseq inissialiornissamut taarsigassarsititsiviusimasumi inissiami ataatsimi piginneqataappat, inuk taanna inissiamut ataatsimut taarsigassarsisimasutut isigineqassaaq.

§ 9 a, imm. 2-imut

Inuk inissialiornissamut taarsigassarsereersimasoq, nutaanik inissialiornissamut allanik taarsigassarsitinneqarsinnaanngilaq imaluunniit nutaanik inissialiornissamut taarsigassarsianik pioreersunik tigusisinnaanani.

Inuit inissiamut ataatsimut taarsigassarsiaqartut, inissiaq suli attartortissinnaavaat. Inuit nutaanik inissialiornissamut taarsigassarsiaqartut najugaqartussaatitaassasut siunnersuutigineqanngilaq. Tamatumani inuit inigisaminut uternissamik periarfissaqarlutik nuussinnaanerat qulakkeerneqarpoq, assersuutigalugu ilinniarnermut imaluunniit napparsimanermut atatillugu.

§ 9 b imm. 1-imut

Siunnersuutigineqarpoq sanatitsisut namminersortut suli ataatsimik arlalinnilluunniit nutaanik inissialiornissamut taarsigassarsitinneqarnissamut neriorsummik suli qinnuteqarsinnaassasut pissarsisinnaassasullu.

Sanatitsisut namminersortut aamma entreprenørit inissianik, nutaanik inissialiornissamut pisortanit taarsigassarsillutik sanaartugassamut pilersaarusrornermik, aningaasalersuinermik sanaartornermillu isumaginninnissamut suli periarfissaqarnissaat, siunnersuummi qulakkeerneqarpoq. Taamaaliornermi pingaartinneqarpoq, inuit ikinnerpaat inissiarsualiornermik aamma sanileriinnik illuliornermik isumaginninnissamut isumalluuteqartarnerat.

§ 9 b, imm. 2-imut

Taarsigassarsititsinissamut neriorsuut, inissialiat taakkua illuummut aamma inissianut ataasiakkaanut atuilernissamut akuersissutip tunniunneqareererata kingorna kingusinnerpaamik qaammatit arfinillit qaangiunneranni inunnut tunineqarsimassasut, atugassarititaasut tunngavigalugit, tunniunneqassaaq. Tamatuma kingorna taarsigassarsititsinissamut neriorsuut atorunnaassaaq. Pisinissamut isumaqtigisiissut atsiorneqareerpat, inissiaq tunineqarsimasutut isigineqassaaq.

Piffissamut killissaliussaq qaangerneqarpat, sanatitsisup imaluunniit entreprenørip inissiat inunnut tunineqarsimanngitsut nammineerluni aningaasalersussavai.

Nr. 3-imut

Kommunalbestyrelsi piginnittut nikinneri pillugit tamatigut ilisimatinneqartassaaq. Aalajangersagaq tassaavoq malittarisassaaq, taamaalilluni qularnaveeqqusiiermi allagartaq naapertorlugu kina akiitsortitut isigineqassanersoq erseqqissaasoqarluni, ilanngullugulu

piginnittut nikinneranni akilersuut akilerneqassasoq imaluunniit qularnaveeqqusiuissaqarluni taarsigassarsinermut uppermarsaat akilerneqartussanngussalluni.

Kommunalbestyrelsip taarsigassarsiarititai aallaaviatigut piginnittut nikinneranni akiligassanngussapput. Aalajangersagaq piginnittut nikinnerinut assigiinngitsunut tamanut atuuppoq, assersuutigalugu inuit, inatsisitigut pisinnaatitaasut pisussaatitaasullu akornanni piginnittut nikinneri imaluunniit aamma inatsisitigut pisinnaatitaasut pisussaatitaasullu akornanni piginnittut nikinneri.

Kommunalbestyrelsip taarsigassarsiarititai aatsaat inunnut nutaamik inissialiornissamut taarsigassarsiaqareersunut piginnittut nikinneranni, akiligassanngussapput, takuuk siunnersummi § 9a, imm. 2.

Piviusumik illumik tunisisup qulakkeertussaavaa kommunalbestyrelsi taarsigassarsisitsutut akiitsortit nikinnerini akuliunnissaa taamaalillunilu qularnaveeqqusiuineremi allagartaq naapertorlugu akisussaajunnaarnermut tunisisoq uppermarsaateqassalluni. Tamanna amerlanertigut pisarpoq qularnaveeqqusiuineremi allagartamut tapiliussaqarnikkut imaluunniit taarsigassarsisumit akuerineqartumik akiitsut tiguneqarnerinik nalunaaruteqarnikkut. Piviusumik pisisoq aamma illumi siunissami taarsigassarsianut akuersineq pillugu kommunalbestyrelsimit qinnuteqartussaassaaq.

Taamaaqataanik nutaanik inissialiornissamut pisortat taarsigassarsiarititaasa tiguneqarsinnaanissaat imaluunniit Kalaallit Nunaanni Eqqartuussivinni nalunaarsuinermut allattuiffimmi inissiamut allattuiffimmi nalunaarsorsimajunnaartussanngorlugu akilerneqarnissaa, suliaqarnermi pisisumit qulakkeerneqassaaq.

Sanaartornerni anginerusuni pisortat taarsigassarsiarititaat ingerlatseqatigiiffinnut tunniunneqarajupput. Taamaaqataanik inissianik inissialiornissamut pisortanit taarsigassarsitsiviusimasunik amerlanerusunik pisineq, ingerlatseqatigiiffimmi nalinginnaasumik pisarpoq. Siunnersutigineqarpoq illuutileqatigiiffinni taamaattuni piginneqataassutit tunniunneqarnerat, aammattaaq piginnittut nikinnerattut isigineqassasut, taamaalillutillu nutaanik inissialiornissamut pisortanit taarsigassarsiarititat akiligassanngussallutik.

Piginneqataassutinik tunniussinerit suulluunniit piginnittut nikinnerannut isigineqarput. Tamanna aamma aningaasaatinit piginneqataassutit imaluunniit piginneqataassutit aalajangiisuusut tunniunneqanngikkaluartut aamma pissaaq.

Nr. 4-imut

Inatsisartut inatsisaanni matumani imaluunniit inatsisini allani maleruagassat malillugit qinnuteqartup taarsigassarsiaqariinnginneranut uppermarsaanermi, takuuk § 1, imm. 3,

taarsigassarsinissamut qinnuteqaatinik suliassanik suliariinninneq oqinnerulersinneqarsinnaassaaq, tassami kommunimit, kommuninit allanit imaluunniit Namminersorlutik Oqartussanit taarsigassarsiaqarani qinnuteqartup nammineerluni uppernarsartussaammagu.

§ 2-imut

Imm. 1-imut

Aalajangersakkami siunnersuutip atuutilerfissaa allassimavoq.

Imm. 2-imut

Siunnersuut taarsigassarsinermut tunngasunut pioreersunut pingaaruteqanngilaq. Taarsigassarsinermut tunngasut pioreersut atugassarititaasut atuuttut tunngavigalugit ingerlateqqinnejassapput aammalu kingusinnerusukkut piginnittut nikinnissaat tikillugu taarsigassarsisoq allanngussananani. Inuit imaluunniit ingerlatseqatigiiffit nutaanik inissialiornissamut pisortanit taarsigassarsitsivigineqartunik arlalinnik inissiaateqartut, taarsigassarsinermut tunngasut attatiinnarsinnaavaat, ilanngullugulu assersuutigalugu inissiaq attartortittakkatut atorsinnaallugu.

Kingusinnerusukkut nutaanik inissialiornissamut pisortanit taarsigassarsitsivigineqartunik inissianik tunisinermi, inissialiorternernut aningaasalersuineq pillugu inatsisit naapertorlugit inummut nutaanik inissialiornissamut pisortanit tarsigassarsilluni inissiamik piginnittooreersimanngitsumut tunisineq pisimanngippat, pisortat taarsigassarsiarititaat akiligassanngussapput, takuuk siunnersummi § 1, nr. 2 (§ 9a) aamma nr. 4 (§ 11, imm. 1)

Imm. 3-imut

Taarsigassarsitsinissamik neriorsuut siunnersuutip atuutilernissaa sioqqullugu nalunaarutigineqartoq aammalu nutaanik inissialiornissaq pillugu sanaartugassamut akigititanut pisussaaffiliisumik isumaqatigiissuteqartoqarsimanngippat, allannguutissatut siunnersummi pineqartunut ilaassapput. Siunnersuutip atuutilernerani taarsigassarsitsinissamik neriorsuuteqarnermut atugassarititaasut allannguuteqassapput.

Tamatuma kingunerisaanik taarsigassarsitsinissamik neriorsuut siunnersummi § 1, nr. 1-2-imi (inuk kisimi taarsigassarsitinneqarsinnaavoq aammalu taamaallat inissiamut ataatsimut), § 1, nr. 3-imi (inissiaq inummut nutaanik inissialiornissamut pisortanit taarsigassarsereersimanngitsumut tunineqarsimanngippat taarsigassarsitsinissamik neriorsuut atuilernissamut akuersissuteqarnerup kingorna qaammatit arninillit qaangiunneranni atorunnaassaaq), kiisalu § 1, nr. 4-imi (inummut nutaanik inissialiornissamut pisortanit taarsigassarsiaqariinngitsunut piginnittut nikinnerat eqqaassanngikkaanni, taarsigassarsiat piginnittut nikinneranni akiligassanngussapput) pineqartunut ilaatinneqarpoq.

Imm. 4-imut

Taarsigassarsitsinissamut neriorsuut siunnersuutip atuutilernissa sioqqullugu akuerineqartoq aammalu nutaanik inissialiornissaq pillugu pisussaaffiliisumik sanaartugassanut akigititassanut isumaqatigiissuteqartoqareersimatillugu, atugassarititaasut allanngortinnagit aallaaviatigut ingerlatiinnarneqassaaq. Taamaaliornermi sanaartorneq aamma aningaasalersuineq attartortisinissamik imaluunniit inissiat attartortinneqartussanngorlugit aningaasaliisumut tuniniarneqarnissaannik periarfissaqarnermik tunngaveqarsinnaanerat, pingartinneqarpoq.

Tamatuma kingorna tunisineq (pisumi allami) inummut ataatsimut taarsigassarsiat taamaallaat ataasiussasut aammalu inissiap inummit nutaanik inissialiornissamut pisortanit taarsigassarsiaqariinngitsunit allaanerusunut tunniussinermi akiligassangornissaa pillugit maleruagassani ilaatinneqassaaq.